

Permainan Amerika, dan rakan-rakannya terhadap negara-negara Arab

Kerajaan Israel yang ada sekarang mulanya ditubuhkan oleh British di tanah orang-orang Arab, didasarkan oleh *Declaration* (maklumat) Balfour pada 2 September, 1917 dan kemudian negara itu didirikan pada tahun 1948 di tanah orang-orang Arab dengan tidak kebenaran orang-orang Arab yaitu dengan kuasa mandat British di sana dan kemudian terjadilah pula peristiwa menjadikan sempadan yang ada sebelum 5 Jun 1967 yaitu peristiwa yang berlaku di atas serangan British dan Perancis serta Israel kepada Mesir tahun 1956. Tulang belakang yang mendirikan Israel ini ialah Amerika. Kerajaan Amerika sungguhpun seluruh penduduknya bukan orang *Sahyūnī* (Yahudi) tetapi mereka seluruh umat Amerika adalah terdiri daripada bangsa campuran dan di sana ada tiga *million* orang Yahudi, orang *Sahyūnī* hidup di sana kekal dengan adat istiadat mereka tetapi keistimewaan mereka ialah mereka alah menguasai ekonomi kerajaan Amerika itu dan kerana itu bolehlah kita pandang kalau Amerika bersuara maka suara itu bukan suara umat Amerika tetapi ialah suara orang-orang Yahudi terutamanya dengan peristiwa-peristiwa perbalahan yang berlaku di antara Israel yang negaranya didirikan di tanah orang Arab – tidak di Amerika – oleh British dan Amerika.

Dengan demikian tidaklah hairan seluruh surat khabar-surat khabar, radio dan segala-galanya yang tiba dari Amerika tidak lain dan tidak bukan suaranya ialah suara Israel dan pembela kepada Israel dan inilah yang kita lihat sekarang berada di Majlis Bangsa-bangsa Bersatu. Dengan kekuatan wang Amerika, dan negara-negara lain maka apa pun yang terjadi walaupun zalim pada pandangan semua mata dunia, namun yang zalim itu menjadi benar apabila Amerika mempengaruhi dunia-dunia lain dengan wangnya ke atas mereka-mereka yang terpaksa tunduk dan patuh kepada kehendak-kehendak Amerika yang berharapkan bantuan dan belas kasihan daripadanya. Dengan demikian di dalam undi mengutuk Israel dan menghendaki supaya yang menceroboh negara-negara Arab keluar dari tanah yang didudukinya itu seperti pada lewat bulan Jun

1967 tidak mendapat satu keputusan yang menghendaki supaya orang-orang Yahudi keluar dari tanah-tanah yang diceroboh olehnya. Yang menyokong cadangan itu hanya lima puluh tiga suara dan di antara orang-orang yang tidak mengundi termasuk kerajaan kita Singapura.

Bagi umat Islam umumnya peristiwa ini mendukacitakan kerana kezaliman ertinya tidak dapat ditolak, kecerobohan ertinya dipupuk dan dikawal.

Cara-cara ini mungkin berbahaya. Tatkala terjadi perselisihan di antara India dan Pakistan tidak lama dulu dan apabila perintah berhenti tembak-menembak dipatuhi, maka masing-masing pihak balik ke tempat yang ditetapkan sebelum - ertinya balik kepada tempat sebelum berlaku pertelagahan itu tetapi mengapa bagi Israel keputusan

demikian ini tidak dikehendaki dan disokong oleh Amerika?

Ada kemungkinan nanti umpamanya pada satu masa terjadi kerajaan Singapura di sebuah pulau yang kecil ini menghendaki taraf hidup yang luas. Ini umpamanya sahaja, ia menghendaki tanah-tanah bagi orang-orangnya tinggal dan supaya dapat hidup maklumlah manusia di Singapura ini berkembang biak dengan cepat dan banyak sedang Pulau Singapura tidak akan bertambah luas mengikut perkembangan manusia yang luas itu.

Apabila terjadi yang demikian, telah menjadi adat, tentulah ada satu-satu fasal dicari dan dengan kekuatan senjata sama ada kekuatan sendiri atau bantuan dari luar, lalu umpamanya menyerang negara yang dekat seperti Malaysia. Sama ada sebelah Johor dan dengan tentera *modern* yang nyata cepat kesannya dengan segera

mereka sampai di Batu Pahat, di Muar atau sampai di sempadan Melaka di dalam dua tiga hari. Kemudian dalam masa itu berhenti tembak-menembak. Apakah nanti peristiwa Israel itu akan dijadikan bukti dan hujah yang nyata membolehkan kerajaan yang kecil ini seperti Singapura yang kami sebutkan itu, terus menduduki tempat-tempat itu, tempat-tempat yang didudukinya, tidak mahu berundur lagi dan menjadikannya bagi haknya?

Inilah peristiwa yang terjadi di Isreal sekarang yang boleh menjadi ikutan kepada negara-negara yang bersifat agresif. Patut kita terangkan bahawa kita tidak membilangkan Singapura agresif hanya – sebagai perumpamaan dan contoh sahaja. Mungkin banyak negara-negara lain yang akan menyiapkan bala tenteranya kemudian mencari fasal dan menduduki daerah-daerah orang dan apabila diduduki tidak ada bangsa-bangsa yang dapat menyelesaikannya. Dengan demikian timbulah siapa kuat dia yang berkuasa seperti sekarang walau pun Israel bukan sebuah negara besar yang kuat tetapi ia sebagai anak emas kepada negara besar seperti Amerika dan Inggeris dan kerana itu ia berlagak besar dan dengan sokongan Amerika dan Inggeris negeri Arab yang didudukinya dia tidak mahu memulangkannya.

Dengan sifat-sifatnya macam ini tentulah perlumbaan senjata, perlumbaan mengubah sempadan akan berlumba-lumba dijalankan dan perdamaian

hanya ada di dalam lidah sahaja. Perdamaian pada satu tempat dipaksakan apabila negeri itu tidak ada kena-mengena dan pada satu tempat yang lain didiamkan kecerobohan dan keganasan dibenarkan dan diluluskan atau sekurang-kurangnya seolah-olah tidak nampak bahkan dibela dan didukung. Inikah cara dunia yang ada sekarang. Keraan kekayaan dan kekuatan tentera itukah sahaja perdamaian akan terjamin. Kalau begini perang dunia yang ketiga tentu akan terbit untuk menentukan kesudahannya....

Berbalik kepada kedudukan negara Arab, dan hubungannya dengan negara-negara Islam sekurang-kurangnya mengaku bahawa mereka orang Islam. Sama ada mereka beramal dengan ajaran-ajaran Islam atau tidak – tetapi mereka orang-orang Islam. Dengan sejarah-sejarah Islam seperti di Uhud, Hunain, menepuk dada menunjukkan kegagahan dan kebesaran serta keagungan selalu membawa padahnya tidak baik.

Maka kerana itulah barangkali apabila Gamal Abdel Nasser yang sentiasa bersuara besar, dan mengagungkan senjata mordennya¹, roketnya dan segala-galanya yang diterima daripada golongan-golongan yang bukan segolongan dengannya, dan berideologi, yang bukan berideologi yang diajarkan oleh junjungan Muhammad (s.a.w) maka di dalam beberapa hari sahaja kekuatannya demikian itu habis walaupun ulama-ulamanya, di Al-Azhar atau di luar Al-Azharnya melaung-laungkan suara jihad *fi sabili allāh* di dalam menegakkan dan mendirikan kemuliaan Baitul Maqdis di dalam peperangan melawan *Sahyūnī*, akhirnya kekalahan

yang terbit.

Segala peristiwa-peristiwa ini kebanyakannya diderita oleh Republik Arab Bersatu, Syria dan Jordan adalah menjadi satu pengajaran kepada mereka bagaimana bahayanya tidak mahu bersatu sesama mereka sendiri.

President Gamal Abdel Nasser meletakkan jawatannya tidak lain kerana hampanya kepada dasarnya tiga belas tahun yang dijalankannya untuk menjadikan ia terpandang sebagai kuasa yang agung, sebagai pemimpin yang agung di negara-negara Arab dan juga cuba mengagungkan diri di mata umat Islam seluruhnya dengan mencabar dan mencela mana-mana yang cuba memberi fikiran, pemandangan dan perhatian kepada bahayanya perpecahan yang berlaku di negara-negara Arab yang dibuat oleh Gamal Abdel Nasser sendiri yang dinampak pada umum seolah-olah beliau hendak menguasai seluruh negara-negara Arab di bawah bendera Republik Arab Bersatu yang dasarnya ialah dasar Sosialis – tidak sepenuh-penuhnya kepada umat Islam. Sungguh un negara-negara Arab berteriak “Kami menghendaki Nasser” apabila Gamal Abdel Nasser diminta semula tetap menjadi President Mesir tetapi sekiranya Gamal Abdel Nasser tidak mengubah dasar-dasarnya yang telah lalu sudah tetap pertelingahan dan pertengkar dengan umat Arab yang lainnya tidak akan dapat selesai apa lagi kalau kita melihat bahawa sesudah peristiwa kekalahan-kekalahan ini, kerajaan Mesir belum berjaya mengadakan Persidangan

¹ Perkataan sebenarnya adalah modennya.

Kemuncak Umat-umat Arab.

Ini dapat dipandang bahawa pembinaan yang dibuat oleh Gamal Abdel Nasser terhadap kepada Mesir memang sudah pada tempatnya apa lagi melihat daripada gelanggang yang ada di dalam Majlis Bangsa-bangsa Bersatu penyelesaian terhadap kepada Israel tidak akan tamat melainkan dengan pertarungan senjata. Dan ertinya negara-negara Arab mesti membalaaskan pencerobohan yang dilakukan oleh Israel dan kekuatan dan tenaga mereka bersama – tidak boleh mengharap kekuatan dan tenaga dipanggung sandiwara Majlis Bangsa-bangsa Bersatu.

Tiap-tiap bencana ada gunanya:

Negara-negara Arab yang dahulunya memusuhi dan bermusuh dengan Mesir seperti Tunis, *Mālik Fayṣal* di Saudīyah ‘Arabīyyah, Raja Hussein dari Jordan, Boumédiène di Algeria semuanya dengan hati terbuka melupakan segala perselisihan yang telah berlaku dan inilah masanya bagi mereka mengikat kekuatan bersama dan bersefahaman untuk menggempur Israel yang berdiri di belakangnya imperialis-imperialis Barat sebagai bapak kepada kerajaan Israel itu. Bergantung sangat kepada kuasa-kuasa dunia seperti Russia dan Amerika atau Britain sudah banyak kali mengecewakan negara-negara Arab pertamanya yang demikian ini dapat dilihat sesudah berlaku perang dunia yang kedua. Pandangan orang Arab kepada British dan Amerika sudah habis dan tidak akan ada lagi tetapi sedikit-sedikit masih tertinggal kepada blok Komunis.

Kerajaan Russia juga bertanggungjawab di dalam berusaha mendirikan negara Israel atau memecahkan Palestin di meja Bangsa-bangsa Bersatu sebagaimana juga Britain dan Amerika. Russia telah mengakui kerajaan Israel apabila sebelum berlaku Perperangan Dunia yang Kedua dan ia telah menyebelahi Israel di dalam Majlis Bangsa-bangsa Bersatu sehingga tahun 1951 sehingga di dalam masa yang akhir Tuan Kosygin yang memaklumkan kepada Gamal Abdel Nasser bahawa Israel

UNTOK PERHATIAN

Alamat surat2 kapada

Qalam hingga 31.8.1967,

di-harap di-alamatkan sa-

perti biasa:

O A L A M

356/8 Gevlang Road.

Singapura 14.

akan menyerang Syria telah mengancurkan bersama-sama *President* Johnson supaya jangan mula menembak dahulu - ertinya jangan menyerang dahulu. Inilah yang menjadikan serangan dahulu Israel itu berjaya.

Siapa yang mesti dikawani?

Peristiwa terdirinya negara Israel adalah peristiwa berkaitan dengan kehormatan seluruh negara Islam. Sebagaimana dikatakan oleh Setiausaha Agung Muktamar Islam di New York Tuan In'āmu Allāh Kāhi

berkata bahawa ini satu kehinaan kepada seluruh umat Islam dan berkewajipan bagi seluruh umat Islam mendirikan jihad untuk mengambil semula hak-hak yang diberikan oleh imperialis-imperialis itu kepada Israel.

Dengan ini pula seluruh umat Islam merasa bertanggungjawab dan kerana itu maka blok Arab dan blok Islam mestilah mengadakan persatuan di dalam menghadapi imperialis-imperialis yang menegakkan negara Israel di bumi Arab yang sedang sedang² berkuku sekarang. Persidangan negara-negara Arab patut diadakan dan disambung dengan Persidangan Negara-negara Islam untuk mencari jalan sekata bagaimana menghadapi penyokong-penyokong Israel itu.

Kalau perlu, sekali lagi kita katakan kalau perlu, bahawa telah tiba masanya, dengan segera menghidupkan semula peristiwa-peristiwa pemboikotan-pemboikotan seperti terhadap kepada Itali di Tunis dahulu oleh seluruh negara-negara Islam yaitu pemboikotan ekonomi bukan oleh kerajaannya tetapi oleh umatnya yakni umat Islam. Patutlah umat Islam diberitahu supaya bersama-sama mengadakan pemboikotan-pemboikotan hebat terhadap kepada penyokong-penyokong Israel sama ada dalam ekonomi dan segala-galanya supaya sekurang-kurangnya jihad yang demikian ini berkesan dapat dilakukan oleh seluruh umat Islam untuk membela kemuliaan Baitul Maqdis yang dipertahankan oleh saudara-saudaranya umat Arab yang ada di sana dan yang berjiran dengan negara itu adanya.

² Pengulangan perkataan sedang.